

Perjanjian Damai Filipina-MILF Bawa Kesan Positif Untuk Sabah - Najib Bernama
13 Oktober, 2012

PENAMPANG, 13 Okt (Bernama) -- Datuk Seri Najib Tun Razak berkata kejayaan Malaysia menjadi pemimpin dalam mendamaikan kumpulan berkonflik di selatan Filipina selama lebih 40 tahun turut memberikan kesan positif kepada Sabah.

Perdana Menteri berkata ini kerana faktor ketidakstabilan dan kemunduran di wilayah Mindanao telah menyumbang kepada kehadiran pendatang tanpa izin di Sabah.

"Kalau kawasan (Selatan Filipina) itu dapat dibangunkan...tiada lagi alasan mereka masuk ke Sabah. Ini sangat baik untuk Sabah," katanya ketika berucap pada majlis pecah tanah Bangunan Institut Latihan Mahkamah Anak Negeri dan perasmian jambatan Inobong di Padang Pagansakan, Inobong, dekat sini, Sabtu.

Pada Ahad lepas, Najib menyambut baik pengumuman rangka perjanjian damai antara kerajaan Filipina dengan Barisan Pembebasan Islam Moro (MILF).

Pengumuman berhubung rangka perjanjian itu dibuat berikutan rundingan peringkat awal antara panel perunding dari kedua-dua pihak yang diadakan di ibu negara Malaysia mulai 2 hingga 7 Okt.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=701768>